

Երևանի «Հրաչյա Աճառյան»  
համալսարանի Հայկական հարցի  
գիտական կենտրոն  
Մատենաշար, թիվ 1

## ՀԱՅԿԱԿԱՆ ՀԱՐՑ

Հայկական հարցի միջազգայնացման  
120-ամյակին նվիրված  
գիտաժողովի նյութեր  
(6-ը և 23-24-ը նոյեմբերի 1998թ.)

# ՌՈՒԲԻՆԱ ՓԻՐՈՒՄՅԱՆ

Ամերիկայի Միացյալ Նահանգներ

## ԿՐԻՒՆԻ ՀԱՅ ԲԱՂԱԲԱԿԱՆ ՄՏՔԻ ԶԱՐԳԱՑՄԱՆ ԾԱՄՓՈԿ

Հայ քաղաքական միաքը զարգացման ընթացքի մեջ էր արդեն 1860-ական թվականներին, իսկ այդ զարգացման հիմքում՝ հայ ժողովրդի ազատագրումն էր թուրքական բռնակալ լուծից՝ նպատակ, որ պիտի յուրացվեր հասունացած քաղաքական մտքի՝ հայ կուսակցությունների կողմից: Եթե անվիճելի նպատակակետ էր այդ տեսլականը, նույնը չէին, սակայն, կարծիքներն ու համոզումները՝ թե ո՞րն է այդ տեսլականի իրացմանը տանող ճշգրիտ ճամփան:

Մեծ էր թիվը նրանց, որոնք հավատում էին, թե պիտի վստահել Օսմանյան կառավարությանը, հայցել եվրոպական պետությունների միջամտությունը Բ. Դուսն մոտ և խուսափել այն քայլերից, որոնք կարող են զրգռել կառավարությանը: Երկրորդ խումբը, ավելի արմատական միջոցը հեղափոխությունն էր համարում՝ զանգվածներին ոտքի հանել, ցույցեր կազմակերպել, հայ ժողովրդի իրավունքները պաշտպանել: Երրորդը՝ առաջ էր քաշում լուսավորչական կրթական շարժման ժավարման խնդիրը:

Այս տարազան համոզումները արձագանք էին գտել Էրզրումի հայ քաղաքական մտքի ոլորտում:

Էրզրումցի մտավորական-քաղաքական գործիչների մեջ ավելի մեծ արձագանք է գտել երրորդ ուղղությունը, որի սպացույցը Կրթական ընկերության կազմությունն է 1876-ին, բայց նույնիսկ լուսավորության տարածման նրա համեստ նպատակը կառավարության կասկածը շարժեց, և ընկերությունը արգելափակվեց:<sup>1</sup>

Կազմվեց երկրագործական ընկերության վարչությունը, որ ծրագրում էր Կարին քաղաքին մոտիկ հսկա հողամաս գտնել, հողագործական նոր մեքենաներով ու նոր ձևերով գյուղացիներին ներգրավել, աշխատել նրանց հետ ու այդ ճամփով դեպի քաղաքական նպատակներ առաջանալ: Կառավարությունը խափանեց այն ու սպառնաց նախաձեռնողներին:<sup>2</sup>

Էրզրումի հայի քաղաքական մտքի զարգացման ճամփին ու հետագա ազատագրական պայքարի ձևավորման տեսակետից անկյունաքարն էր 1877-1878-ի ռուս-թուրքական պատերազմը, իսկ այդ անկյունաքարն էր կարևոր հիմքերից էր ռուս-թուրքական պատերազմի նախօրյակին ու ընթացքում օսմանյան կառավարության արտոնած՝ հայերի կոտորածը քրդերի ձեռքով: Տիրող սարսափի, ջարդի ու հալածանքի մթնոլորտում բնական պիտի սեսպել Էրզրումի հայության գրկարաց ու խանդավառ ընդունելությունը՝ ռուս հաղթական բանակի: «Armenia and the Campaigne of 1877» աշխատության մեջ Նորմանը գրում է, թե կառավարության այս

քաղաքականությունը պատճառ դարձավ, որ հայերը, վոխսանակ քիկունք կանգնեն կառավարության՝ դեմ դնելու մոսկովյան գավթիչներին, երախտապարտությամբ դեպի նրանց դարձավ:<sup>3</sup> Հայերը ոգևորությամբ ընդունեցին ռուսների մուտքը Էրզրում, բայց դա հակառակ խոր-հրդահայ պատմագրության մեջ շեշտադրված ենթատեսքի, ռուսասիրությունից չէր բխում, այլ այն հնարավորությունից, որ քաղաքական նոր կացությունն էր հայության համար դեպի դրսի աշխարհ բացվելու, չարչաչանքից ու հարածանքից ճողոպրելու: Ռուսաստանը Արևմտահայաստանի ինքնավարության ծրագիրն առաջ քաշեց. ծրագիր, որ որդեգրել էր Ցարը, ծրագիր, որին իր համաձայնությունն էր ավել նաև սուլթանը, նպատակ ունենալով ինքնավար Հայաստանով ստեղծելու Ռուսաստանի հարձակումների դեմ ապահովության գտախ:

Ռուս բանակի ամիսների կեցությունը Էրզրումում իր անդառնալի հետքը թողեց նահանգի հայ բնակչության, մանավանդ քաղաքական մարտի գարգացման տեսակետից, Էրզրումցի հայ մարդ շփվեց ռուս բանակի հայ բարձրաստիճան սպաների, Լորիս-Մելիքովի, Լազարևի, Տեր-Ղուկասյանի ու մյուսների հետ, լսեց նրանց խորախոսանքը ուրի ելնելու, հայ ժողովրդի իրավունքները պաշտպանելու, հպարտությամբ հետևեց նրանց գործունեության, ակնածանքով դիպեց Կամսարականին, իբրև Կարին քաղաքի ոստիկանապետ, վայելեց Շերենցի ներկայությունն ու յուրացրեց նրա քաղաքական առաջադրանքները: Կազմվեցին ընկերություններ՝ Մամիկոնյանց, Ղևոնդյանց, Բարձր Հայոց Ընկերություն. գործել սկսեց թատերական ընկերությունը, որ Դուրյանի ու Պեշիկթաշյանի թատերգությունների ընդմիջից հայրենասիրություն էր քարոզում, Էրզրումցի հային դեպի գործ էր մղում:<sup>4</sup>

Ռուս բանակի հեռացումը 1878-ի օգոստոսին, հանկարծակի հարված էր Էրզրումի հայության համար: Ու նոր կոտորածների սարսավից՝ բանակի հետևից գաղթի ճամփան բռնեց: Այս գաղթին դեմ էր թե արևմտահայ և թե ռուսահայ գործիչներն, այն որակելով «քաղաքական ինքնապանություն»:<sup>5</sup>

1881-ի մայիսին 6 Էրզրումցի երիտասարդներ՝ Խաչատուր Կերեկցյան, Կարապետ Նշկյան, Հակոբ Իշգալացյան, Ալեքսան Երեմիկյան, Հովհաննես Ասատուրյան և Եղիշե Տոբսունյան, իրար շուրջ գալով կազմեցին Էրզրումի առաջին հեղափոխական ընկերությունը, որ «Պաշտպան հայրենյաց» կոչվեց (որոշ աղբյուրներում նույն ընկերությունը «Գաղանի ընկերություն Բարձր Հայոց» է հիշված):<sup>6</sup> Ընկերության նպատակն էր զինել ժողովրդին ու նրանց ինքնապաշտպանության մղել: Հակոբ Նշկյանի վկայությամբ, Էրզրումի հոգևոր առաջնորդ Մաղաթիա սրբ. Օրմանյանը տեղյակ էր այս ընկերության մասին և յուր համաձայնությունն էր ավել, նրա գործունեությանը քաջալերում էին Վանի առաջնորդ Խրիմյան Հայրիկը և Պոլսո պատրիարք Ներսես Վարժապետյանը: Ըստ

Նշկյանի, կարճ ժամանակում մեծ տարածում գտավ ընկերությունը՝ գաղտնի գործող տասնոց զինյալ խմբերով:

Գաղտնի ընկերությունը գաղտնի չմնաց, ու հայ լրտեսներն էլ օգնեցին դրան: 1882-ի նոյեմբերի զանգվածային ձեռքարկություններն ու բանտարկությունը վերջ տվեցին կազմակերպությանը, նրա արձագանքը տարածվեց: Նրա անդամները դատապարտվեցին «հեղափոխական միջոցներով Էրզրումը Օսմանյան կայսրությունից անջատել» փորձելու մեղադրանքով: Դատավարությունը լայն արձագանք ունեցավ:

Օսմանյան կառավարության արագ ու խստաբարո հակազդեցությունը որոշ ժամանակի համար խափանեց քաղաքական-հեղափոխական գործունեությունը Էրզրումում, բայց միևնույն ժամանակ առաջացրեց անհրաժեշտություն՝ ավելի լավ կազմակերպվելու:

1883-1890-ը Էրզրումի հայության համար ինքնաճանաչումի ու ինքնադաստիարակման շրջան էր, նաև՝ մտքերի բյուրեղացման ու ազատագրական պայքարի մտնելու վճռականության ձևավորման:

Էրզրումում առաջին հեղափոխական-կուսակցական խմբակը «Դրոշակ» կոմիտեն էր, որ Օկոյանը կազմեց՝ որպես մեկ ճյուղը 1889-ին Թիֆլիսում ստեղծված Դրոշակ խմբակցության:

ՀՀ դաշնակցության կազմությունից անմիջապես հետո էր, որ Քեռին ու Արամ Արամյանը (Թաթուլ) իրենց ծննդավայր Էրզրում ուղարկվեցին հեղափոխական քյիջներ կազմելու համար: Հայության և օսմանյան իշխանությունների առճակատման նշանակալից երևույթ էին Կարին 1890թ. հունիսի իրադարձությունները:

Կառավարությունը իբրև թե լուր էր ստացել, թե հայերը մեծ քանակությամբ զենք ու զինամթերք են ամբարել քաղաքի եկեղեցում, Առաջնորդարանում ու Մանասարյան վարժարանում: Ոստիկանությունն ու բանակը խուժելով այդ վայրերը, սկսեցին խուզարկել ամենայն վայրագությամբ՝ արհամարհելով ու պղծելով մասնավոր եկեղեցու սրբությունները: Կիրակնօրյա պատարագին մասնակցող ժողովուրդը ընդվզեց ու ճակատումը սկսեց կրակոցներով: Կարծես նախապես կարգադրված, թուրք ու քուրդ ամբոխն էլ միացավ ու սկսվեցին ջարդն ու թալանը փողոցներում: Երեք ժամ տևող ճակատ-ճակատի կռվում գոռվեցին շուրջ հարյուր հայեր, վիրավորվեցին 2-300-ը: Կատարվեցին ձեռքարկություններ, ու քաղաքը պաշարման ու ոստիկանության տարածած սարսափի տակ մնաց մի քանի շաբաթ: Դաշնակցական գրականության մեջ դեպքը ներկայացված է իբրև ժողովրդային ինքնաբուխ ընդվզում, որի ղեկը ձեռք էր առել Վարդգես Մերենգույանը, իսկ Հնչակյան աղբյուրները այն վերագրում են Տրապիզոնի հնչակյան մարմնի և Էրզրումի Հնչակյան խմբակի գործունեությանը:

Ժողովրդային այս ընդվզումի արձագանքը տարածվեց ամեն կողմ, եվրոպական թերթերը գրեցին ու թղթակիցներ ուղարկվեցին Էրզրում: Որ-

քան էլ համեստ էր ըմբոստ արարքը, հայ իրականության մեջ չափազանցված ոգևորությամբ ու հուզականությամբ ընդունվեց ու տարածվեց այն: Դեպքին մվիրվեց «Չայն մը հնչեց Էրզրումի Հայոց լեռներն» երգը:

Էրզրումի դեպքին հաջորդեցին անհատ ֆիդայիների կազմակերպած ինքնապաշտպանության նախաձեռնությունները: Օրինակներն են՝ Գալուստ Արխանյանի ու Դերսիմի Քեռու խմբերը, որոնք որոշ ժամանակ գործեցին Երզնկայում:

1890-95 շրջանը կարելի է հասկանալ «Մուրբ գործին» ամբողջական մվիրումով, հուզականությամբ, անիրականացնելի ծրագրերով ու անիրապաշտ ակնկալիքներով, գաղափարական վեճերով, միջկուսակցական բախումներով: Ժամանակաշրջանը ցուցաբերեց զանգվածների անպատրաստվածությունն ու չկամությունը ինքնապաշտպանության և դիմակայելու, հարուստների դժկամությունը՝ ազատագրական պայքարը ֆինանսավորելու, նպատակադրումներ, որոնք բյուրեղացած չէին դեռ հայ մարդու համար: Վերջապես, ինչ էր բուն նպատակը ազատագրական պայքարի. ազատություն ինչի՞: Գուցե ազատությունը Էրզրումցի հայի համար ծանր ու ապօրինի հարկերից ազատվելն էր, գուցե իրավունքը՝ Ռուսաստան գաղթելու:

Այս շրջանի հեղափոխական գործունեությունը դժբախտաբար զուգորդված էր մանավանդ հնչակյանների՝ Օսմանյան կառավարությանն ուղղած անհիմն սպառնալիքների ու ճռուտ հայտարարությունների հետ, որոնք փակցվում էին գյուղի ու քաղաքի պատերին, սովորական թուրքի աչքերի առջև: Ու կառավարությունը օգտագործում էր դա՝ թուրքին հայերի դեմ լարելու. ինչ փույթ, որ ինքն էլ զիտեր, թե հայերից վախ չկա և, ինչպես պատվելի Էդվին Բիլան է վկայում, հազարից մեկ հայի մոտ զենք կգանվեր, մինչդեռ թուրքերը զինված էին մեծ չափերով:<sup>7</sup>

Կարճ է տարածությունը ծայր սասիճան ոգևորությունից մինչև հուսալքում, մանավանդ, երբ գործողությունները սուկալի վնասներ էին պատճառում, իսկ կառավարությունը հակազդում էր՝ պատժելով ոչ թե միայն գործողության մասնակիցներին, այլ ամբողջ համայնքին՝ կին, տղամարդ, երեխա: Այդ հուսալքումի վրա ավելացան 1894-96-ի համատարած ջարդերը: 1895-ի հոկտեմբեր 30-ին կոտորածների ավիքը Տրապիզոնից անցավ Գյումուշհանե, Բայբուրդ և հասավ Էրզրում: Տարօրինակ է թվում, թե ինչպես Էրզրում քաղաքում, ուր հաստատված էին ռուս, անգլիացի ու ֆրանսիացի հյուպատոսները և ամերիկյան ավետարանչական կենտրոնը, տեղի ունեցան թալան, ջարդ ու կոտորած, երեք օչ շարունակ և անկաշկանդ: Շատ են վկայությունները ջարդերի մասին. Ռուստոմը, որ Էրզրումում էր գտնվում զենքերի փոխադրման ու ցրմանը վերահսկելու համար, ակնատեսի իր փորձառությունն է պատմում:<sup>8</sup> Ինչպես անգլիական դեսպանին հղած Էրզրումի հյուպատոսի զեկույցում է նշված և ինչպես պատվելի Չամբրդզի ակնատեսի զեկույցի հիման վրա Էդվին

Բիսն է եզրակացնում<sup>9</sup> և Ռոստոմն էլ է նշում՝ զանազան խլամ ցեղերից բաղկացած, դրսերից հատկապես եկած բաշխիբոզուկների մասնակցությունը կարևոր էր ջարդերն ու թալանը ի կատար ածելու մեջ, բայց ավելի ճանփա էր բացում ամբոխի համար: Բոլոր աղբյուրները վկայում են, թե որևէ ինքնապաշտպանական գործողություն, մի կրակոց բավական էր այդ խառնամբոխին վանելու համար, բայց բանակը միջամտում ու պատժում էր պաշտպանվել համարձակվողներին:

Չարդն ու կոտորածը ավելի խորացրին անկազմակերպությունն ու հուսալքությունը. նախ՝ պատասխանատուները չպատժվեցին, ընդհակառակը՝ տեղական իշխանությունները ստիպեցին ստորագրել խոստովանագրեր, ուր կոտորածի պատասխանատվությունը հայերը իրենց վրա էին վերցնում, իբրև թե իրենք են առաջացրել գրգռությունները:<sup>10</sup> Երկրորդ՝ հեղափոխությունը չէր կարողացել հայ զանգվածներին շարժել, նրանց ընդհանուր ապստամբության մղել, և հայերը կոտորվել էին առանց զգալի դիմադրության: Երրորդ՝ ոչ միայն եվրոպացի դիտորդները, այլև հայ պահպանողական ղեկավարությունը ջարդերի համար հայ հեղափոխական շարժման էին մեղադրում: Այսպես, օրինակ, Բիսը հնչակյանների գործունեությունը քննադատելով, եզրակացնում էր, թե Էրզրումում, Խարբերդում ու Դիարբեքիքում տեղի ունեցած ջարդն ու կոտորածը չեն կարող նվազագույն չափով անգամ արդարացվել հայ հեղափոխական շարժման պատճառաբանությամբ:<sup>11</sup> Նույն մեկնաբանությունն է տալիս նաև Ֆրեդրիք Գրինը, որը հայ հեղափոխական շարժումը համարում է բնական հետևանքը Բեռլինի վեհաժողովից հետո Հայաստանում ստեղծված սոսկալի իրավիճակի:<sup>12</sup> Չորրորդ՝ կոտորածները բացահայտեցին եվրոպական պետությունների անկարողությունը կամ չկամությունը միջամտելու և ջարդը կասեցնելու:

Էրզրումը մշակույթային, քաղաքական և տնտեսական կյանքը կարճատև վերելք ապրեց երիտթուրքերի հեղաշրջումից ու սահմանադրության վերահաստատումից հետո մինչև Ա. Աշխարհամարտ, մանավանդ՝ 1910-14 թվերին, երբ Ռոստոմը Կարին էր վերադարձել որպես Հ.Յ.Գ. բյուրոյի ներկայացուցիչ, քաղաքական գործիչ, ազգային դպրոցների ուսուցիչ ու վերատեսուչ: Էրզրումը վերածվել էր Դաշնակցության գործունեության կարևոր կենտրոններից մեկի: Դա անհանգստացրեց Սանասարյան վարժարանի ղեկավարությանը: Վարժարանը 1913-ին փակվեց և տեղափոխվեց Սեբաստիա: Ռոստոմի ջանքերով և Ամերիկայում կազմված Կարնո ուսումնասիրաց Միության նյութական օգնությամբ նոր Սանասարյան դպրոցը իր դռները բացեց նույն աշնան:<sup>12</sup>

Նույնը կար, գործունեություն, քաղաքական մամուլ, կազմակերպություններ, հույս ապագայի ու միաժամանակ, տարվում էր նաև ինքնապաշտպանության զինավարժությունը՝ Փիլոսը Էրզրում քաղաքում, Դրոն՝ Բայազետում: Դաշնակցության 8-րդ ընդհանուր ժողովն էլ Էրզրումում

գումարվեց 1914-ի ամռան: Թուրքերի վերաբերմունքը ավելի թշնամական էր դարձել: Թուրքիան պատրաստվում էր դաշնակիցների դեմ պատերազմի մեջ մտնել, իսկ հայերը կարևոր ազդակ էին երկրում կամ ավելի ճիշտ կարևոր արգելք: Նման չարագուշակ պայմաններում էր, որ ծավալվեց խոչընդոտները իսպառ վերացնելու կառավարության որդեգրած քաղաքականությունը, իսկ այդ խոչընդոտների շարքին՝ բնաջնջում Օսմանյան կայսրության հայ բնակչության:

## Ծանոթագրություններ

1. Այստեղ չեմ հիշատակել Խաչատուր Կերեկցյանի 1874-ին հիմնած ու նաև կարճատև կյանք ունեցած Ազատություն Չայրենասիրական Միությունը, որի մասին հիշատակում կա Ռ. Փ. Յովհաննիսյանի „Արևելահայ Ազգային Ազատագրական շարժումները և „Կարինի „Պաշտպան Չայրենյաց,, կազմակերպությունը „ աշխատության մեջ (1965, Երևան, էջ 88) :
2. Հ. Մ. Նշկյան „Առաջին կայծեր, էջ մը Կարնոյ Ջարթօնքին,, 1930, Բոստոն, էջ 26-30:
3. C. B. Normann, Armenia and the Campaignne of 1877 ( London , p 137).
4. Գյուլխանդանյան Ա., Յեղափոխական շարժումը Կարինի մէջ 1939, Բոստոն, էջ 122-132:
5. Նույն տեղում, էջ 123:
6. Նշկյան Հ. , մշվ. աշխատ., էջ 115-146:
7. Էդվին Բլիս, Turkey and Armenian Atrocities. London – New-York, 1896, Frezno 1982, p. 556:
8. „Ռոստոմ,, 1979,Բեյրութ, էջ 50-54:
9. Բլիս, էջ 416-426:
10. Յոհաննես Լեփսիուս, Armenia and Europe. London , 1898, p. 63.
11. Բլիս, էջ 557-558;
12. Գրին, էջ 69: